



26.10.2018

Inatsisartut Suleriaasianni § 37 imm. 1 naapertorlugu Naalackersuisunut apeqquutit imaattut matumuuna saqqummiuppakka:

Naalackersuisunut apeqquutit:

1. Naalackersuisut sulissutiginiarnerlugu poortuutissanut nalunaarutip allanngortinneqarnissaa taamaasilluni imeruersaatit kulysremik akullit puujaasaaqqanut utertittakkanut assigiinngitsunut maqillugit tuniniarneqarsinnaanngorlugit? Akissut pitsaasumik tunngavilersoqquneqarpoq.

2. Naalackersuisut nalunaarummik allannguinnissartik qaqugu piareersinnaassavaat?

3. Naalackersuisut allanik suliamut soqutiginaatilinnik paasissutissiisinnaanerlutik?

(Inatsisartunut ilaasortaqaq Randi Vestergaard Evaldsen, Demokraatit)

Tunngavilersuut

Malittarisassat atuuttut naapertorlugit immiaaqqat imeruersaatillu kulysrimik akullit taamaallaat tuniniarneqarlutillu sassaalliutigineqaqqusaapput utertittakkanik pooqartillugit. Tunumili Qaanaamilu immiaaqqat imeruersaatillu qillertuusat nioqqutigineqarsinnaapput, utertittakkanut ilanngullugit. Aaqqissuussineq taanna mmiaaqqat imeruersaatillu kulysrimik akullit puui pillugit Namminersornerullutik Oqartussat nalunaarutaanni 2000-meersumi aalajangersarneqarnikuuvoq. Demokraatini isumaqarpugut piffissanngortoq nunap sinnerani imeruersaatilik qillertuusaniittunik pisisinnaanngornissamat.

Qularutigineqanngisaannarnikuuvoq poortuutissat pillugit nalunaarut pilersinneqarnikuuvoq avatangiisit paarilluarumallugit, taamaakkaluartorli ullutsinni apeqquserneqarsinnaanngornikuuvoq ilumut poortuutissanut nalunaarut avatangiisinik illersuinersoq.

Ukiorpapassuit matuma siorna Danmarkimi qillertuusat inerteqqutigineqarnikuupput - atorunnaarsinneqarnikuuvorli EU-kommissionip sakkortuumik tatisinerata kingorna. EU-kommissionimmi uppersarsarsinnaanikuunngilaa puujaasaaqqanik utertittakkanik atuineq avatangiisitigut iluaqutissartarnerunersoq qillertuusani utertittakkanik atuinnermut naleqqiullugu, naliliinnermi atornerarpoq nalileeriaaseq " tunngavik nutaajunermiit qanganitsernermut" aamma avatangiisinut sunniutaasartut, assartuinnermi, puujaasaaqqanik erruinnermi il.il. naliliinnerit aamma ilanngunneqarlutik. Avatangiisinut iluaqutaanerangaasut qularineqarput niuernernullu teknikkikkut aporfilersuinerusimagunarluni siunertaralugu eqqussuinissap killilersornissaa aamma killilersungaannngitsumik unammilleqatigiinnerup killilersornissaa.

Demokraatini isumaqarpugut nunatsinni ajornartorsiutit aamma taamaattut. Poortuutissanut nalunaarutip maannakkut atuuttup killilersungaannngitsumik unammilleqatiginnissaq aporfilersorpaa taamaasillutik atuisartut ikinnerusunik qinigassaqartarput taamatullu pisiarineqarsinnaasut akisunerungajuttarlutik



DEMOKRAATIT
DEMOKRATERNE

killilersungaangitsumik niuernermi akiusartunut naleqqiullugu.

Pinngortitamut, Avatangiisinut Ilisimatusarnermullu Naalackersuisoq ulloq 24/10
apeqqarissaarfigineqarmat taanna oqarpoq poortuutissat pillugit nalunaarutip misissornissaa
aammaffigalugu aamma Demokraatini ukunannga apeqquteqarnitsigut qularnaarniarparput suliap
siuariartulernissaa.

Tamanna tunngavigalugu qilanaarpunga apeqqutinnut akissutit ullut sulliviit naliginnaasut qulit iluanni
tigunissaannut.